

中部 乞食清淨經

《中部經典(第 13 卷-第 16 卷)》卷 16：
第一五一 乞食清淨經

如是我聞。——

一時，世尊住舍衛城迦蘭陀竹林。

時，尊者舍利弗，日暮從獨住起而詣世尊之處。
詣已，敬禮世尊，坐於一面。

世尊對坐於一面之尊者舍利弗曰：「
舍利弗！汝之諸根淨明。皮膚之色徧淨、清白。
舍利弗！如何之住，汝今日多住耶？」

〔舍利弗曰：〕「世尊！我今日多住空住。」

〔世尊曰：〕「善哉！善哉！舍利弗！舍利弗！
汝實今日多住於大人住。」

舍利弗！如何大人住，彼即空，是故，舍利弗！

若比丘之願：『今日多住於空住。』

舍利弗！彼比丘應如是思惟：『通行一路，我為乞食入村，於一地遊行乞食，從一路由村乞食還歸，其時，於我眼所識之諸色，有心之欲、或貪、或瞋、或癡耶？』

舍利弗！若比丘善觀察而如是知：『通行一路，我為乞食入村，於一地遊行乞食，如是一路，由村之乞食還歸，其時，於我眼所識之諸色，有心之欲、或貪、或恚、或癡、或瞋』者。舍利弗！其比丘應為此等之惡、不善法，當不可不精進。

舍利弗！若復，比丘善觀察，如是知：『通行一路我為乞食……其時，於我眼所識之諸色，無心之欲、或貪、或恚、或癡、或瞋』者。舍利弗！其比丘應以其喜悅，晝夜，不可不隨學諸善法而住。

復次，舍利弗！比丘應如是思惟：『
通行一路，為乞食入村……其時，
於我耳所識之諸聲……
於鼻所識之諸香……
於舌所識之諸味，
於身所識之諸所觸，
於意所識之諸法，
有心之欲、或貪、或恚、或癡、或瞋耶？』

舍利弗！若比丘之善觀察者如是知：『通行一路，我為乞食入村……其時，於我意所識之諸法，有心之欲、或貪、或恚、或癡、或瞋』者。舍利弗！其比丘應為斷此等諸惡、不善法，不可不精進。

舍利弗！若復，比丘之善觀察者如是知：『通行一路，我為乞食入村……其時，於我意所識之諸法，無心之欲、或貪、或恚、或癡、或瞋』者。舍利弗！其比丘應以其喜悅，晝夜，不可不隨學諸善法而住。

復次，舍利弗！比丘應如是思惟：『我已斷五妙欲耶？』舍利弗！若比丘善觀察，如是知：『我既未斷五妙欲』者。舍利弗！彼比丘應為斷五妙欲不可不精進。

舍利弗！若復比丘之善觀察者如是知：『我已斷五妙欲』者。舍利弗！彼比丘應以其喜悅，晝夜不可不隨學諸善法而住。

復次，舍利弗！比丘應如是思惟：『我已斷五蓋耶？』舍利弗！若比丘善觀察如是知：『我既未斷五蓋』者。

舍利弗！彼比丘應為斷五蓋而不可不精進。舍利弗！若復比丘善觀察者，如是知：『我已斷五蓋』者。舍利弗！彼比丘應以其喜悅，晝夜不可不隨學諸善法而住。

復次，舍利弗！比丘應如是思惟：『我偏知五取蘊耶？』

舍利弗！若比丘善觀察，如是知：『我未徧知五取蘊』者。

舍利弗！其丘應為徧知五取蘊，不可不精進。

舍利弗！若復比丘善觀察者如是知：『我〔既〕徧知五取蘊』者。

舍利弗！彼比丘應以其喜悅，晝夜不可不隨學諸善法而住。

復次，舍利弗！比丘應如是思惟：『我修四念住耶？』舍利弗！若比丘善觀察，如是知：『我既未修四念住』者。舍利弗！其丘應為修四念住，不可不精進。

舍利弗！若復比丘善觀察者如是知：『我已修四念住』者。舍利弗！彼比丘應以其喜悅，晝夜不可不隨學諸善法而住。

復次，舍利弗！比丘應如思惟：『我已修四正勤耶？』若……不可不精。若復……而住。

復次，舍利弗！比丘應如思惟：『我已修四神足耶？』若……而住。

復次，舍利弗！比丘應如思惟：『我已修五根耶？』若……而住。

復次，舍利弗！比丘應如思惟：『我已修五力耶？』若……而住。

復次，舍利弗！比丘應如思惟：『我已修七覺支耶？』若……而住。

復次，舍利弗！比丘應如思惟：『我已修八支聖道耶？』舍利弗！若比丘善觀察如是知：『我既未修八支聖道』者。舍利弗！其比丘應為修八支聖道，不可不精進。舍利弗！若復比丘善觀察者如是知：『我已修八支聖道』者。

舍利弗！其比丘應以其喜悅，晝夜不可不隨學諸善法而住。

復次，舍利弗！比丘應如思惟：『我已修止、觀耶？』舍利弗！若比丘之善觀察，如是知：『我

既未修止、觀』者。舍利弗！其比丘應為修止、觀，不可不精進。舍利弗！若復比丘善觀察，如是知：『我已修止、觀』者。舍利弗！彼比丘應以其喜悅，晝夜不可不隨學諸善法而住。

復次，舍利弗！比丘應如思惟：『我已證明、解脫耶？』舍利弗！若比丘善觀察，如是知：『我既未證明、解脫』者。舍利弗！其比丘應為證明與解脫，不可不精進。舍利弗！若復比丘善觀察者如是知：『我已證明與解脫』者。舍利弗！彼比丘應以其喜悅，晝夜不可不隨學諸善而住。

舍利弗！凡過去世，任何之沙門、婆羅門等，是清淨乞食者，彼等於一切，皆如是觀察，觀察而清淨乞食。

舍利弗！又凡未來世之沙門、婆羅門等之應如是清淨乞食者，彼等於一切，皆如是觀察，觀察而應清淨乞食。

舍利弗！又凡今日之沙門、婆羅門等清淨乞食者，彼等於一切，皆如是觀察，觀察而清淨乞食。

舍利弗！然者，汝等應如是學：『我等應觀察，觀察而應清淨乞食。』

舍利弗！實如是，汝等應如是學。」

世尊如是說已，歡喜之尊者舍利弗隨喜世尊之所說。——」(CBETA, N12, no. 5, p. 321, a2-p. 325, a11 / / PTS. M. 3. 293 - PTS. M. 3. 297)